



Шогмо эл, порымик да гим верр!

БУДЬ ГОТОВ

ЯМДЕ-ЛИЙ

1933 ий 1 февраль годсек лектеш.

0+

Марий мландыште – шахмат турнир



Фотом Ингернет гыч налме.

МарГУ пелен С.Карякинын шахмат школжым 2018 ий 31 октябрьыште почмо.

24 июль гыч 4 август марте Йошкар-Олаште шахмат дене Россий кубокын этапше эртаралтеш. Тудым «На земле марийской» манын лумдымө.

МарГУ пеленысе С.Карякинын шахмат школыкыжо спортын тиде видшым йоратыше удыр-рвезе-влак иквереш чумыргышт. Самырык спортсмен-влакым Марий Эл Республикысе шахмат федерацийын вуйлатышыже А.Н.Лоскутов, тун судья, тунябал арбитр В.Ю.Стараторжский турнирым торжественно почмо дене саламлышт. А 28 июлышто Марий Эл Республикым Вуйлатыше А.А.Евстифеев, тунябал гроссмейстер С.А.Карякин шахматист-влак дене вашлийыч. Палемдыман, Сергей Анатольевич – эн самырык гроссмейстер. Тудын лумжө Гиннесын рекорд-влак книгашкыже пурталтын.

12 ияш Максим Волков – шахмат дене Российын да Марий Элын чемпионжо,

Тунябал чемпионатын той призёржо. Чап луман гынат, ты кечын чот тургыжланашыже перныш. Тудо С.А.Карякин ваштареш модын ончыш (снимкыште). Максим Йошкар-Оласе 7-ше номеран школышто тунемеш. Медведево спорт школышто шахмат дене келге шинчымашым налеш. Тренерже – А.В.Винокуров.

Умбакыже 3-шо лаштыкыште лудса.



«Шем оч-ки» конкурсышто сенгыше – Шернур район Кукнур-Купсола гыч Костя Шехурдин. Иктешлымашым https://vk.com/yamde_lii адрес дене тункаште ончыза. Пөлек – школыш каяш арвер-влакым налаш 500 тенгеаш сертификат.

Конкурс

Самырык шанчызе улыт



Фотом Интернет гыч налме.

Россий Федерацийн Кугыжаныш Думаштыжо «Самырык техника да изобретатель-влак» всероссийский конкурсышто сеньыше-влакым саламленят. Тений ты тагасымаште Российын 77 регионжо гыч куд тўжем утла проектым акленят. Конкурсын регионсыо

эстапыштыже Марий Эл гыч куд тунемше: Фёдор Гусев (Медведево гимназий), Роман Игнатъев (6-шо №-ан Морко школ), Мария Лежнина (Бауман лицей), Иван Никитин (Йошкар-Ола, 10-шо №-ан школ), Алексей Павловский («Мегатех» лицей) – сеньышыш лектын. Нуным снимкыште ужыда. Йоча технике усталык рўдерын тунемшыже Артемий Рогачевский «Добыча мореной древесины на малых реках и других водоёмах» проектше дене всероссийский конкурсышто призёр лийын.

Л.ГРИГОРЬЕВА ямдылен.

Историйым шергалына

Россий ден Швейцария кокласе Йўдвел сар годым (1700-1721) 1714 ийыште Гангут (Финляндийысе изи полуостров) мыс воктене руш ден швед флот-влак коклаште кугу кредалмаш лийын. Шукерте огыл гына чумырымо руш флотым Петр I кугыжа шкеак вуйлатен. Руш моряк-влак тушманым сengenят. Историйыште руш флотын икымше кугу сеньымашыже лийын. Тылеч вара Балтий тенгызыште руш флот озаланен. Гангут кредалмашым шарнен, 9 августышто Российыште Воинский чап кече палемдалтеш.

Нацпроект

Российысе «Образование» нацпроект дене келшышын, Марий Эл Республиклан «Современная школа», «Цифровая образовательная среда», «Успех каждого ребёнка», «Молодые профессионалы» федерал проект-влак радамыште мероприятийлам эртараш федерал бюджет гыч 400 миллион тенгем ойырат. Тидын кўшеш ялысе школла пелен цифровой да гуманитарный профильла дене 15 тунемме рўдерым, «Кванториум» йоча технопаркым почыт.

Смоленск областыште эртаралтше союзный кугыжанышыште тунемше-влакын VIII турслётшыштышт Марий Элын командыже эн шуко баллым поген. Тушто Российын 36 регионжо да Белоруссий гыч команде-влак танасенят. Турслёт Кугу Ачамланде сарыште Сеньымашлан 74 ий да Белоруссийым фашист-влак деч утарымылан 75 ий теммылан пўлеклаттын.

Увер

«Почта России» ФГУП-н Марий Элысе филиалже «Дерево добра» поро кумылым ончыктышо акцийым увертарен. Кажне кумылан ен школ-интернатлашке, йочапўртлашке, шонгыен-влак илыме пўртлашке газет ден журнал-влаклан 2019 ийын кокымшо пелийжылан подпискым ыштен кертеш.



Шочмо кундем

Шочмо кундемем – Марий Эл. Мый тыште икымше ошкылым ыштенам, аван кидшым кучен, школыш каenam. Марий кундем эн сылне да шўм-чоным лыпландарыше пўртўсшў дене куандара. Кенжежым чодыраш пурет – чылт йомакыш логалмыла чучеш. Гўжлен шогышо чодыраште могай гына саска уке. А воштончыш гай яндар ер ден энгерыште, шийла йылгыж, кол-влак модыт. Чылатиде марий кундемнын поянлыкше.

**Маша ГЕРАСИМОВА,
Шернур, Лажъял.**



Таче Марий Турек район Сардаялыште Ялысе финанс фестиваль эртаралтеш. 7 тематике площадке пашам ышта. Кугыен-влак специалист-шамыч дене пырля финанс грамот шотышто йодышлам канашат. «Финанс кинотеатрыште» йоча-влаклан мультфильм ден видеоролик-влакым ончыктат.



Марий Элыште у тунемме ийыште 253 школышто 79475 тунемше парт коклашке шинчеш. 222 школышто ик смене дене, 31 школышто кок смене дене тунемаш тўналыт. Тергыше комиссийын аклымыж почеш, кызытеш 6 районышто 145 школ йоча-влакым вашлияш ямде.



Йоча да подростково-влакын «Эр вий» ушемышт 13-17 ияш ўдыр-рвезе-влаклан Самырык кидмастар-влакын финн-угор фестивалыштым 5-12 августышто Национальный президент школ-интернат пелен эртара. Тушко тўрлў кундем гыч самырык-влак толыт.

Келшымаште – вий



Авторын фотожо.

Йошкар-Ола воктенысе «Радуга» йоча рудерыште РДШ-н «Импульс» профильный лагерьжым йоча-влакым патриот шўльшаным кушташ, у кўкшытыш шуаш шонымаш дене вич ий ончыч почыныт. Тудо шкем да йырысе тўням вашталташ, Марий Эл Республикыште келшен илаш ўжеш. Сменын вуйлатышыже И.Л.Герасимова кажне икшывым шке шочшыж семын порын вашлийын, ик ешышке ушен. 24 июль гыч 2 август марте кокшўдў йоча жапым пайдалын эртарен. Тиде смене Кугу Ачамланде сарыште Сенымашлан 75 ий теммылан пўлеклалтын. Лагерь ныл направлений дене пашам ыштен: доброволец, краеведений, медиа да вожатый-аниматор. Чылаже кандаш отряд лийын. Каныше-влаккан онгай кружокым, мастер-классым эртареныт. Журналист, волонтер-влак дене вашлиймаш эрелан ушеш кодын.

Е.СЕРГЕЕВА.

МАРИЙ МЛАНДЫШТЕ – ШАХМАТ ТУРНИР

(Умбакыже. Тўналгыш – 1-ше лаштыкыште.)

Шахмат турнирыш Рос-сийын латик регионжо: Марий Эл, Татарстан, Чуваш, Тыва, Коми республика, Виче кундем, Ямал-Ненец автоном округ – гыч 89 йоча ушнен. Турнир «9 ияш марте», «11 ияш марте», «13 ияш марте» да «15 ияш марте» ийготан ўдыр-рвезе-влак коклаште эрта.

Шахмат турнир 1575 ийыште Мадридыште икымше гана эртаралтын.

Андрей Константинов (**снимкыште**) турнирыш Чебоксар гыч толын. Тудо лу ияш. Шахмат дене вич ияш гыч модеш. «Шахмат дене эн ончыч ковам палдарен. Шкеже сайын модын моштен огыл гынат, могай фигур кузе коштым пален. Тыге мый шахматым йўратен шынденам», – оила Андрей.

Андрей кок гана («9 ияш марте», «11 ияш марте») Чуваш Республикын чемпионжо лийын.



Шахматын шочмо элжылан Индий шотлалтеш. Тудо 1400 ий ончыч чатурган акрет модыш гыч шочын. Чатурган «войскан ныл подразделенийже» манын кусаралтеш. VII курымшто ты модыш дене Персийыште модаш тўналыныт. Модышым «шатрандж» манын лўмденыт. «Шахмат» шомак персидский йылме гыч «шах» (король) да «мат» (сенгалтын) кок мутым ушымо дене шочын.

Мария МИХАЙЛИНА (Кагалым ола):

– Шахмат дене модаш Саша изам деч тунемынам. Тудын модмыжым ончен, шахмат кружокыш кошташ тўналынам. Тренер О.В.Поскутовлан таум ойлем. Тудын тыршымыжлан кўра ятыр гана ончыл радамаште лийынам. Таче кечылан эн кугу сенымашлан Хант-Мансийысе чемпионатым шотлем. Тушто юниор-влак коклаште кумшо разрядым налынам. Йошкар-Олашке кокимшо гана толынам. Тыште мыланем моткоч келша.



Е.ИВАНОВА.

Авторын фотожо-влак.



Йошкар-Ола гыч Миша ден Алёша Ивановым (**снимкыште**) шукин палат. Нуно С.Карякинын шахмат школышкыжо коштыт. Алёша латвич ийым темен. Шахмат дене кугыен-влак коклаште кокимшо разрядым налын. Тений турнирыште «9 ияш марте» тагасымаште судья лийын. Миша 11 ияш. Изажын кышажым тошка. Алёшан модмыжым ончен, фигур-влак дене кузе коштымжым эскерен, модаш тунемын.

Шахмат дене модмаште икымше ныл ходым ышташ 318.979.564.000 тўрлў вариаций уло.





Морко район Корка-
тово тўвыра пёрт пеле-
нысе «Изи шўдыр» театр
кружок «Театральная
юность Марий Эл» рес-

ташыштым утарат. Агытан – эн
патыр: «тушманым» поктен луктеш.
Кружокым Л.И.Александрова 8-
ше ий вуйлата. Шке йырже артист
койышан ўдыр-рвезе-влакым по-



Изи шўдыр-влак кушкыт

публиканский фести-
вальыште ик гана веле
огыл мастарлыкшым
терген. Тений йоча-
влак калыкым «Чик-чи-
рик» марий постановко
дене куандареныт.
Сценарийым «Патыр
агытан» («Меран») ма-
рий калык йомак негы-
зеш Марий Эл Респу-
бликысе тўвыран сулло
пашаенже А.В.Якушева
возен. Мерангын сур-
тышкыжо Шудышырчык
пурен шинчын. Маска,
Ур, Рывыж, Агытан,
Пире йол-



Авторын фотожо.

Валерия САИНА,

Рывыж ролыым модшо:

– Сценыште мый канем. Чонем куана.
Ончыкыжым артист лияш шонем. Спектакльысе
роль-влак гоч чон шижмашым ончыкташ
лиеш. Мемнам тидлан Людмила
Ивановна туныкта. Кугу тау
тудлан!

ген .

«Изи артист-влак Кор-
катово лицейыште ту-
немыт. 1-ше класс гы-
чак сценыште модыт.
Тўвыра пёртыш репети-
цийыш уло кумылын
коштыт», – оила Люд-
мила Ивановна. Чын-
жымак, ўдыр-влак он-
чаш толшо-шамычын
кумылыштым савырышт.
Янлык-влакын койы-
шыштым мастарын мо-
дын ончыктышт! Жю-
рин енге-влак поснак
Рывыжым палемдышт.

Х.АЛЕКСАНДРОВА.

Сенгымаш

«Хрустальные звёздочки»

всероссийский конкурсын Марий Элысе этапыштыже 12 ияш Полина
Ивлева ден 17 ияш Кирилл Никитин сенгышыш лектыныт. Нуно
Москваштат, конкурсын кокымшо этапыштыже, ойыртемактыныт.
Полина ден Кириллан «Орлёнок» йоча рўдериш путёвкым кучыктеныт.
Тушто конкурсын кумшо этапше эртаралтеш да гала-концерт лиеш.

2008 ий гыч ту конкурсын судебный пристав-влакын служ-
бышт кугыжаныш да правам аралыме органлаште пашам
ыштыше-влакын йочаштлан эртара.

Мурсемлан шўман

Ялысе изи школышто тунемше кажне йоча тўрлө велым
усталыкшым терга, конкурсышко ушна. Теве Шернур
район Мустай школын тунемшыже
Данил Иштриков (**снимкыште**) мураш,
кушташ пеш йората. Школ пеленысе
«Рвезылык» ансамбльыш коштеш. «Кеч-
могай усталыкым пўртўс пуа, шонем, –
оила Данил. – Ала тукым гыч тукы-
мышкат кусна. Мыйын ковам – пеш тале
гармонист, устан мура. Тукым акам
Ирина Иштрикова – Марий самырык
театрын артисткыже. Мыланемат
мурсем тўня лишыл». Марий сыл-
нымутым куанен лудеш: сылнын
лудмо мастарлыкшым «Живая
классика» конкурсышто терген,
районышто икымше верым
сенген налын. Военно-патриоти-
ческий клуб-влакын районысо
фестивальыште танасен.
«Строевой смотр» танасыште
кокымшо верым сенген налын.
Л.ГРИГОРЬЕВА.



Мый артист лияш шо-
нем. Колынам: тидлан йўд-
шө-кечыже шуко тунемман
да тыршыман. Мый сце-
ныште лияш йоратем: му-
рым мурем, почеламутым
лудам. Тунемаш пурем да
тунем лектам гын, моткоч
йывыртем. Артист калыкым
куандарен, веселитлен
моштышаш. Калыкын со-
вым пералтымыжак мом
шога!

Катя МАМАЕВА.
Шернур, Шўдымарий.



**Шар-влакым сўретлен
пытарыза да келшыше
тўс дене чиялтыза.**




Саска погымо пагыт

Мемнан ялыште шуко енын пакчаштыже түрлө емыж шочеш. Ме чыланат вишным кочкаш йоратена. Вишне воктене шоптыр кушкеш. Могай гына уке: шеме, ошо, йошкарге! Пуншоптырымат шынденна. Кажне шошым да шыжым нуным пүчкедена, кылдыштына. Мыланем эше мөр ден снеге келшат. А эныж пакчаште эн кугу верым айла. Эныжым шер теммеш кочкина, ужалашат погена. Чодырашат тудо кушкеш. Тушкат миен шуына. Шке кундемем дене кугешнем.

Катя ЯКОВЛЕВА.

Волжский, Кугу Корамас.



Кидыштемже мөр аршаш,
Тудын пуш – оза йырваш.
Чевер мörым погалтен
Нангаем мый мөнгышкем.

Юля УСОВА.

Марий Турек посёлко.

Пакчасе пеледыш

Мемнан пакчаште түрлө пеледыш кушкеш, пöрт воктенат улыт. Акам пеш мотор, тамле пушан кас фиалкым шынден. Кастене кампетке гай үпшалтеш. Мыланем сирень тусан георгин келша. Тылеч посна астр, бархатце, космей, циний пеледыш-влак моторлыкышт дене мемнам куандарат.

Таня ВАРАКСИНА.

Паранья, Памашъял.



Руэм посёлкысо «Родничок» йочасадыш коштшо йоча-влак воспитатель Любовь Викторовна Морозова дене пырля тений йочасад кумдыкым түзатеныт: пушенге-влакым шынденныт. Ынде нуно пушенге кушмым шкеак эскераш тўналыт.



Авторын фотожо.

Л.ИВАНОВА.

Медведево район.

Янлык тўня

Шотлымо почеш, Марий Элыште 6536 **шордо**, 921 **маска**, 507 **нерге**, 149 **шурманше** да 50 **тамган пүчө** илат. Сонарзе-влаклан 329 шордым, 101 маскам, 29 нергем, 3 шурманшым, 2 пүчым лўяш лиеш.

Янлык-влакын марла лўмыштлан рушла мужырым му: **рысь, пятнистый олень, медведь, барсук, лось.**



Кажне айдеме шочмо-кушмо вержым шке семынже йората. Шочмо-кушмо вер – тиде ладыра ломберан садер, мотор ото, пеледышан олык, вуй ўмбалне канде кава. Кунам эн лишыл егет-влак: ават, ачат, изат, ачат, шўжарет – тыйын пеленет улыт.

Полина ПЕТУХОВА.

У Торъял, Кузнеч.

Конкурс

«Дикая природа России» всероссийский фотоконкурсум увертарыме. 17 ияш деч изирак ийготан-влаклан лўмын «Юные таланты» номинацийым палемдыме. Конкурс 30 сентябрь марте шуйна. Сайт: <https://nat-geo.ru/contest/dikaya-priroda-rossii-2019/>

Йочасадыште тыршыше педагог да школлаште туныктышо-влак! «Пўртўсым аралена!» («Сохраним природу!») теме почеш методический польш (разработко) конкурсш ушныза. Чыла йодышым <https://rosuchebnik.ru/material/konkurs-sokhranim-prirodu/> сайтыште рашемден кертыда.

Мландымбалне моткоч шуко сылне вер уло. Мыланем Астрахань кундемысе Баскунчак шинчалан ер воктене лияш пиал шыргыжалын. Ерым ужмеке, туге чучеш, пуйто ончылнет ош лум кия. Тиде шинчал. Шинчалан ерын пайдалыкшым шуко ен пала, сандене тушто калык шуко. Ер гыч шинчалым да эмлыме шуным луктыт. Тиде сылне верышке миен толаш чылалан темлем.

Шинчалан ер



Морко, Коркатово.

Настя ИВАНОВА.

Айста лудына

Машан ава-жын шочмо кечыже августышто шуэш. 9 ияш ўдыр идалык мучко мом пөлеклаш шонен кош-теш. Тудо ешыште шкетын кушкеш, садлан пөлекын акшым сайын умыла. Ава – шнуй айдеме.

Ик кенез кечын, эрдене эрак кынелын, Маша йолташ ўдыржө деке куржеш.

– Катя-я-я, модаш лек! Мый толынам! – уло йўкын кычкыра.

Тудыжо тунамак куржын лектеш.

– Ма-ша, таче мо пеш эр то-льыч?

Шочмо кечылан – пеледыш

Ойлымаш

– Тый кугурак улат, полишет күлеш.

– Уло кумылын полшем. Мыят таче 6 шагатланак агытан йўкеш помыжалтымат, уэш мален колтен шым керт. Шкетын йокрокланен коштам. Йөра тольыч. Мо дене полшен кертам?

– Ик тылзе гыч авамын шочмо кечыже шуэш. Мом пөлеклаш – ом пале. Ала тыйын онгай шонымашет уло?

– Х-м-м, шоналташ күлеш, – Катя ик жаплан шыпланыш, вара мане: – Ала пеледышым шындена, ончен куштена да тиде аршашым аватлан кучыктет.

– Ой-й-й, ну тыйын идеетше нимучашдыме, – Маша йолташыжым эсогыл фндал колта.

– Йодмет веле лийже, вет мый тыйын йолташет улам. Мо дене кертам, полшем.

– Могай пеледышым шындена?

– Пакчаштына космей пеш чот шарлен. Кодшо ийын тудын нөшмыжым погенам ыле. Тачак тиде атем кычал муам да кас велеш ўдена.

– А кушан ўдена?

– Шинчалан койдымо верым кычал ончена. Мландым күнчена, ўдена.

– Моткоч са-а-ай! Тый огыл гын, мом ыштем ыле?!

Маша ден Катя изи

кольмыштым кучен, изи ведраш вўдым налын, ял воктенысе пасушко тарванат. Келшыше верым муын, изи йыраным ыштат. Тушко нөшмым ўдат. Тылеч вара кажне кечын тергаш коштыт. Южгунамже кок шагат дене пасу покшелне шогылтыт, икымше озымын лекмыжым вучат. Вич кече гыч толын ончат – ужаргын веле коеш.

– Ура-а-а-а! – коктынат иканаште уло йўкын кычкыралыт. – Ме нуным изи йочала ончаш тўнгалына.

Икмыняр жап гыч космей тўшка пелед шога-

л е ш .

К у м

т ў р л ö

т ў с а н

у л ы т :

ошо, кына да шемалге-йошкарге.

Шинчам куандара!

Таче Машан аважын шочмо кечыже. Кок йолташ ўдыр мален киен огеш керт, кынелын, вигак пасушко куржеш. Пеледыш-влакым погат, пеледыш аршашым сöрастарат, висвисым ешарат. Тудыжо йөршын вес тўсым пуа. Кугу-кугу пеледыш аршашым мөнгö нангаят. Маша, туп шенгекеже пеледышым шылтен, пöртышкö пура.

– Ава-а-ай, шочмо кечет дене! Таза, пиалан, кужу ўмыран лий! – аважлан пеледышым кучыкта. – Тиде тыланет мый дечем изи гына пöлек.

– Ой, могай мото-о-ор! Ўдырем, тыгай пеледыш аршашыжым кушто муыч?

– Ме Катя дене коктын ончен куштена.

– Кушан? Мый ужынат омылыс.

– Изи секрет.

– Тау, пеш кугу тау! Тый мыланем эн чапле пöлек улат.

– Таза лий, авай!

Ава тўняште икте веле. Аралыза тудым, йöратыза! Шочмо кече кечын веле огыл, тыглай кечынат куандарыза!

О.ВОЙКИНА, Н.КОНАКОВА.

Шернур, Эшполдино.

Анатолий ТИМИРКАЕВ

ЧТО ТАКОЕ
КТО ТАКОЙ?



Марий Эл Республикын калык публичын калык поэтше Анатолий Тимиршинович Тимиркаев йоча-влаклан у книгам пöлеклен. Комжым сўретыште ужыда. Сборникишке пуртымо почеламут-влакым руш йылмышке поэт-влак С.Каширин, В.Борисов (Санкт-Петербург), В.Панов, А.Мосунов, А.Спиридонов, А.Коксовихин (Йошкар-Ола) кусареныт. Книга гыч ик почеламутым лудса.

У книга

Через Кокшагу

Новый мост по
бульвару Чавайна.
Сварщик, блеском чаруя
наш взор,
Как волшебник, детали сшивая,
Вывел сваркой последний узор.
И Чавайн, сам вошедший
в легенду,
Воспевавший народа мечту,
Перерезал почётную ленту
И незримо прошёл по мосту.



«Шем
очки»

КОНКУРС!



Галина
НАУМЕНКОВА.
Йошкар-Ола.



Иннокентий ВЕСЕЛОВ.
У Торъял, Токтарсола.



Юля ИВАНОВА.
Кужэгер, Шорсола.



Паша ПЕТРОВ.
Морко посёлко.



Арсена ТРУДИНОВА.
Медведево,
Новый посёлко.



Аня ПЕТРОВА.
Шернур,
Кукнур-Купсола.



Костя ШЕХУРДИН.
Шернур,
Кукнур-Купсола.



Индира, Имран,
Сабрина
КИЛПИНЕНМЫТ.
Йошкар-Ола.



Катя МАМАЕВА.
Шернур, Шүдымарий.



Маша ПЕТРОВА.
Морко посёлко.



Настя
НОВОСЁЛОВА.
Йошкар-Ола.



Элина Семенова.
Йошкар-Ола.

Индекс: Марий Элыште,
Пошкырт ден Татарстан
кундемлаште - П4696.
Тираж 1150 экз. Заказ
Формат – А-4-8.
Директор-тун редактор
Л.В.СЕМЕНОВА.

E-mail: yamde_lii@mari-el.ru,
yamde_lii@mail.ru
Сайтын адресше: yamde-lii.pro,
Тел. 8(8362) 45-22-82(факс)

УЧРЕДИТЕЛЬ-ВЛАК: Марий
Эл Республикысе культур, пе-
чать да калык-влакын пашашт
шотышто министерстве, «Ямде
лий» газет» кугыжаныш уни-
тарный казна предприятий.

Газетым редакцийште погы-
мо да верстатлыме, «Марий Эл Республикысе Правительствын типо-
графийже» ООО-што ямде оригинал-макет гыч савыктыме. Типо-
графийын адресше: 424000, Йошкар-Ола, Комсомольский урем,112.

Газетым Массовый коммуникаций
сферыште да культур наследиым
аралымаште законодательством шук-
тен шогым эскерше Федеральный
службын Приволжский федеральный
округысо управленийыштыже регис-
трироватлыме.
Номер – ПИ №ФС 18-1999,
2005 ий 10 февральыште пуымо.

0+

Печатьыш пуымо жап – 14-00,
фактически – 13-00

Авторын да редакцийын шоныма-
шышт түрлө лийын кертыт. Се-
рыш-влак мөнгеш огыт колталт.
Ак – кутырен келшыме почеш.

Редакцийын да издательнын адресше:
424006, Йошкар-Ола, СССР
Вооружённый Вийын
70-ше идалькыше урем, 20 (почтовый)
Эгерүмбал Амстердам, 1
(фактический).

Конкурс




Конкурс
30 сентябрь марте
шуйна!

Изи понгызо


Йоча - влак, кенезж каникулда умбакыже шуйна. Чодырашке кошташ йоратаде, очыни. Понгым погеда? Лумжымат паледа? Тугеже, сылне пуртус лонгаште понго дене моторын, онгайын войзалтын да лумжым палемден, фотографийда-влакым редакцийышке колтыза. Пашада - влакым https://vk.com/yamde_lii адрес дене тушкаш верандена. Эн ойыртемалтшылан - сай полек.

Снимкыште: Морко район Кугу Шале ял гыч Ксюша ЧАВАЙН ден Артём ИВАНОВ ошкүрезе ден шопкевапкам муыныт.

Корзингаште 50 понто: уйвонто ден ошпонто. Кеч-могай 28 понто коклаште кеч икытше - уйвонто, а 24 коклаште кеч икытше - ошпонто. Корзингаште мыняр ошпонто?



4 шырге пырчым верышт дене вашталтен, товарым кум треугольни-кыш савырыза.




Тыште мыняр треу-гольни-кыш шылтыме? Шотлыза да мыланна возен колтыза.

Писын ойло

Кученам мый коло колым, Коло колым кученам. Кочкын колым, мыйым колышт, Мыйым колышт, кочкын колым.

5 август - Светофорын тунямбал кечыже.



Интернетысе сүрет-влакым кучылтмо.

Икымше светофорым 1868 ийыште күртньыгорно инженер Джон Пик Найт шонен луктын. Тиде аппаратым Лондонышто англичан парламент ончылно шогалтеныт.


Ужар тул чукталтмеке, кудо транспорт кудал эрта?

Ушештарена

1. Походыш тарванет гын, шырпым, кужым, шагатым, компасым, телефонным нал.



2. Чодыраште корным йомдарет гын, кечылан тупет дене шогал: умыл вочмо вел йудвел лиеш, шола могырышто - касвел, пурла велне - эрвел.



3. Кугыен деч посна палыдыме кугу чодырашке кайыман огыл.

4. Энер уло гын, вудын йогымыжым эскере: йогын почеш ошкыл.

Энгекыш логалмеке, 112 номер дене йынгырте!

10 ойыртемым муза.

